



小丹丘詞

卷之一

嘉善柯

煜字南陔

玉交枝

小丹丘遊仙詞

巒雉雲來不可期  
松間石上靜相宜  
藥爐茶竈結  
箇小茅茨  
摒擋人間閒  
筆墨焚香徐和海  
璠詞  
白雲一片封佳澗  
東西  
俯仰三田自有丹  
可勞金石作神仙  
黃庭讀罷默  
坐守關元  
夜半飛騰人不覺  
桃都鷄唱漏將殘  
朝元初了心向玉宸還

雲笈千函誦讀餘瑯嬛洞裏有新書一瓠遙寄須  
索問龍威 生怕霜蛾頻赴火叮嚀侍史拂麟鬚  
夢來栩栩覺後自蘧蘧

五色能開頃刻花青柑縹杏亦清佳武夷書到初  
寄小團茶 底用藍田尋碧玉那須勾漏覓丹砂  
長生訣在採月與餐霞

岫幌巖扉盡日閑壞陵一曲自鏗然啣花拾果白  
鶴與青猿 九色鳳雛飛到也媚蘭書札下雲間  
無多奧旨清淨兩三言

風解祛塵玉辟寒玲瓏窗戶水雲間無勞却睡清  
絕不成眠 洗髓伐毛非易事經過歲月已三千  
紫泥休污湔浣向虞淵

小疊瓊箋帶綵雲羣仙相約五湖濱螺舟輕棹彷彿  
宛渠民 可待張華傳九醞碧觴偏愛釀逡巡  
麻姑厨帳親手擗麒麟

霧鬢雲衣世外粧閉門深院日初長蕊珠經卷常  
侍玉爐香 不用画眉添斌媚碧桃花底送瓊漿  
吹簫伴侶清響動鸞凰

珍重華陽十賚文阿誰朝夕伴幽人樓居無事長  
嘯岸綸巾黃露青霞餐不了玉芝瑤草靜相親  
池中尺木安穩待風雲

日午亭亭似小年幽居經濟幾曾閒箋成本草歷  
歷費丹鉛留取兩圖真跡在莫教情事外人傳

玉函他日標上洞靈篇

大江東去

讀珂雪詞奉懷曹實菴司馬用東坡韻

英雄好手筭崢嶸鐵槩蔗竿人物幻出君才還八  
斗胸有圖書東壁鳳閣詩成蘭臺賦罷談笑生冰

雪流傳樂府世間無此清傑

相見瀟灑官情山

黃嶽白正商飈初發三十六峰吟遍了袖拂紫霞

明滅疇昔知音何年載酒真賞窮毫髮不眠心事

共君千里明月

風入松

題沈客子春山絲竹圖

宛然樓閣試春晴細素分明詩懷酒態俱閒却倚  
雲根消受新聲最是雲藍小袖近前捱遍銀箏  
隱囊鶴氅足平生瀟灑天成花前不是忘經濟東  
山事絲竹縈情陡覺換頭驚斷柳梢囀個雛鶯

齊天樂

送司空公還朝

翠華南幸頻催召殷勤衮衣元老酒拜黃封堂辭  
綠野詔許屬車隨到啓行懷抱并北闕經綸東  
山歌嘯計日朝天鳳城一夜火城曉中台有  
星皎皎正相依密勿丹青斧藻鯨海詩宗當陽傳  
癖更想傳家風調從今休道只陸相紅橋裴公翠  
島屈指家山慢坡名更好

清平樂

勝常兩字玉齒分明啓一捻腰肢誰得似詩裏小

蠻如此香雲恰好垂肩背人學縮雙鬟借問個  
儂年紀銀蟾玉兔團圓

又

送秋同支商衡蔣聲中賦

鴻聲繚繞做就橫塘曉怪道翠帷涼氣早已是十  
分秋了小庭盡捲晶簾無端雨側風尖早晚雪  
來時候問誰冷暖香奩

醉落魄

讀笙囊瑣語  
悼緯昭弟

儼然標格錦箋沾透啼痕碧衰燈絡緯聲聲溼雨  
冷香魂幾度弔書客蘭塘小院空陳迹人間天

上今何夕風前玉樹難重覓贏得千秋吟卷有人  
惜

桂枝香

寄尤展成檢討

天香院宇笄紗帽隱囊曾挹風度屈指江東人物  
翛然誰侶夜珠詩格凌雲賦動天顏兩朝知遇  
靜繙史藁高烧椽燭夜闌窗戶占兩世玉堂文  
譽笑宮體南朝謾誇徐庾正好歸來琴帙不沾塵  
土絳紗帳裏陳絲竹儘逍遙湖山尊俎寄聲知否  
吳根越角有人凝竚

一絡索

問訊小桃開否又一番紅雨隔墻窗戶鎮常關早  
猜道拗花人去歷歷別離情緒問伊無語幾重  
庭院幾重簾夢不到相思處

水調歌頭

次韻荅姑夫蔣岵民先生

安穩一丘壑情話頗便便比來心事何限曲折訴  
蠻牋疇昔聯珠花萼此際蘭摧玉折好月向誰圓  
憔悴紫荆樹腸斷自年年 蓼莪咏孝思賦爲君  
編酸風陡起蕭颯寒氣襲文筵揮淚燈前形影抵

掌他年經濟杯酒不能乾寂寞四方志黯淡雪中眠

催雪

本意

雁底樓臺梅邊樽酒合是同雲天氣况極目山川  
峭寒如此欲喚玉龍酣戰奈猶向重淵抱珠睡賦  
慵詩懶梁園賓客謝庭兄妹 幽意誰相對只翠  
袖無言縞衣清淚儘鶴擎翩翩要添風致遙想宓  
妃夢好未肯逐流風臨人世待轉眼萬壑玲瓏映  
取玉顏沉醉

西子粧

詠銅雀硯

橫槩英雄分香兒女淒絕高臺傾後漳濱樵牧弔  
秋風賸遺踪土花如繡霸圖無據僥倖落騷人妍  
手向高齋有墨卿毛穎鎮依左右 當年事歌吹  
西陵那忍重回首書帷永日伴孤吟想風流玉顏  
曾覆而今消受儘小匣琉璃光黝賦繁華繡虎驚  
才非舊

邁陂塘

鱸魚

遍清江霜華點點細鱗撥刺如許檝頭艇子迎潮

信遙指一隄紅樹招伴侶看如此波光秋色連鷗  
鷺腥風滿路正貫柳携來投竿歸也涼灑綠簑雨  
厨娘手珍重金刀斫取照人雪色尊俎江東戶  
戶能相餉偏說季鷹風趣添秀句對如画山川刻  
曲人能賦生涯好處待結個苓簪蘆根炊火安穩  
度朝暮

探春

武夸茶

魚眼新泉龍頭小鼎一盞碧塵香滿何處家山雲  
屏霞褥記得幔亭秋讌留取曾孫在早携個筠籃

摘徧也知不是芳蘭東風未解吹散 丁蔡當年  
北苑咲驛騎紛紛紫宸爭獻餅絕雕龍團辭鏤鳳  
誰似當今清儉漫許江湖侶儘消受旗槍信暖桑  
苧遺經好將掛漏重勘

南浦

送魏超宗入都  
和陸平仲韻

門風奕奕况如君聲價比雙金幾載家山嘯傲別  
墅抗幽襟乍拂玉鞭去也儘河聲嶽色恣豪吟料  
鳳城傳遍詩名文譽豈待碎瑤琴 莫問先朝忠  
孝最傷心祖德憶東林今日昇平雅頌一奏鳳梧

音應笑頻年空瑟縮鎖香錦篋蝕花蟬願錦衣及  
早歸來兼遂綵衣心

玲瓏四犯

題趙松雪畫竹

一點雲根倚翠影娟娟風際微嫋着意蕭疎寫出  
玉堂懷抱想見琴酒餘閒儘遊戲筆痕輕埽只數  
莖濃淡相宜彷彿弁山清曉鷗波縹緲林泉遶  
逞風流画眉纔了烟條雨葉香名在偷得粧臺餘  
巧憑問霧閣雲屏彼此幽姿多少怕王孫無語好  
嬉子頻含笑

采桑子

五君詠

悲哉雋俗周顒去鶴怨猿驚蕙帳淒清風雨高齋  
不忍聽長淮千里羈魂返迢遞吳舫詩卷飄零  
鬼唱秋墳夜火青

周青士

雪灘一抹殘陽裏茶竈誰移泛宅何之無復羊裘  
理釣絲虎頭一笑看身後誰得卿癡分付佳兒  
書画聲名儘自垂

顧茂倫

才名空向風塵老不耐寒羶驢背千山晚歲吳門  
寓伯鸞峨峨繡豸家聲在諫艸流傳淚眼風前

每話先朝一泫然

郭臯旭

竹林一卷江都相倦著書時把我新詞手拍紅牙

佐酒卮 華亭鶴唳無消息欲寄相思滿寫烏絲

小別千年却怨誰

董蒼水

可憐公瑾勞相憶未飲醇醪先報瓊瑤此夜泉臺

迥寂寥 小山大好追珠玉繼體風騷續得鸞膠

誰向君家鬪綵毫

周鷹垂

前調

霽園雜典同蔣岵民姑夫賦

先公有個菟裘地画裏烟鬟詩裏雲山絲竹低回

憶往年

而今煞是淒涼也繞砌苔錢誰許高眠

輸與風流逸少閑

狂奴寂寞烏衣巷揮罷銀箋倒罷金船感慨淋漓

俯仰間 還同野鶴翩翩舞自許神仙此地蓬山

與爾喬松共往還

西風着意吹人也霜滿前林雲捲遙岑鶴筆凝寒

恐不禁

新詞千古誰酬倡白石仙音曼玉敲金

應許丹丘續朗吟

尊前且莫論文字洪醉紛紛少個紅裙喚取梅花

作玉人 輕狂還怕花枝惱淺月黃昏休損魚鱗  
好嫁孤山處士身

減蘭 索錢十青画

丹丘庭院落落琴書顏色減烘染風流借爾烟霞  
作卧遊 莫教冷淡人倚画橋流水遠點個春山  
半似睂兒半髻鬟

水調歌頭 次韻荅錢十青

寂寞丹丘子鎮日掩松關扁舟有客乘興卮酒小  
盤桓身是射潮家世詩想擁旄風格秀色動周旋

頗欲換凡骨與爾乞瓊丹 頻起舞霜影亂燭花  
殘生綃點染浮動蒼翠有無間似此崢嶸丘壑絕  
稱欽寄懷抱相對儘高寒惆悵錦帆路歸去雪迷  
漫

一枝春 懷禹平

判袂三年怎而今換了竹林情緒酒邊伴侶零落  
不堪重數小園寂寂儘閒却玉杯珠柱遙相待司  
馬才華早薦凌雲詞賦 青霄未容高步只貂裘  
黯淡依然羈旅旗亭一笑贏得斷腸新句夢裏江

南應有冷楓歸路筭輸我玉膾金齋故鄉風味

青玉案

讌集周六皆齋

蘭亭詩卷西園画便高煞千秋價底事小筵傳玉  
竿舉頭遙問古人寂寂不見吾狂也 綠葵紫蓼  
周顒話領取風流入遙夜紗帽隱囊偏蘊藉賦心  
琴趣清談雅令怎着丹青寫

暗香

梅蕊

尋尋覓覓見無多綠意苔枝消息纔綴小珠怎許  
纖纖試攀摘未到幾分開處儘遲却蛺蝶憐蜂惜漫

贏得詩客巡檐深淺候顏色

標格清歷歷誤認

作花飛砌雪層積翠禽踪跡飛傍春風早相識想  
見玉奴嬌小渾不放粉香狼藉看早晚應遍也滿  
林遙白

疎影

梅影

玲瓏月底早謫仙飛下九天環珮絕世娉婷初上  
苔堦倒映小庭如水無言有恨何人覺自逐東風  
搖曳怕輕雲一霎移來化作朦朧天氣 水部才  
華縱好新詩吟不就橫斜風致一種亭亭非霧非

烟欲合離魂無計画屏夢斷驚相問怎瘦得個人  
如此恁匆匆難覓幽踪斗轉參橫情事

二色宮桃

並蒂梅

風亞瓊英斜照水也彷彿踏歌連臂小小翠禽何  
處來便化作鴛鴦兩翅 珍珠寂寞樓東意恰僥  
倖梅妃雙睡從此願爲連理枝好珍重玉環天子

枕屏兒

窄地深簾遮斷小窗私語玉爐香金盞酒教伊且  
住小鬟覷鸚哥喚教伊且去恁卿卿也難做主

化作鴛鴦也合並頭南浦怎人間全不穩綉衾伴  
侶比肩行攜手坐商量無據待撇下此情何處

古記

遮個齊紈小扇早已偷窺半面側徑巧相逢驀地  
全身俱見方便方便一笑木樨屏畔

四季粧

寓江南好

風光好花影上春衫種得紅蘭誇待女闖將碧草  
賽宜男一種爲誰慙

銀唐去遊戲採蓮時半卸羅衣驚欲顛画橋側畔

有人窺彷彿影娥池

良宵願巧語素娥前莫道綠窗人似月月兒那比  
鏡常圓珍重玉臺邊

挑燈坐寒色上瓊樓風雪歸來何處醉笑將翠袖  
拂貂裘冷暖問香篝

浣溪沙

烟外飛絲送百勞玉窗人倦晝無聊微風吹夢過  
平橋芳草一堤嘶綠耳画船雙槳趁紅潮醒來  
斜日杏花梢

笛向杏花村裏吹身從芳草岸邊飛野烟生處醉  
吟詩小市懸燈沽酒夜估船爭渡落帆時歸來  
楊柳月絲絲

細錦纏頭却稱宜生綃繫臂袖垂垂東風一種巧  
相吹金盞傳來眉語後玉簫聲斷日成時從前  
可是不相思

古調笑

飛雁飛雁風外一行吹斷高樓明月吹簫珠箔西  
窗夜遙遙夜遙夜人影翠燈香爇

菩薩蠻

垂垂翠幌春風入滿庭芳草羅裙色無語倚斜陽  
一枝紅海棠 過墻雙蛺蝶乍見心愁絕正是好  
年時學人偷画眉

柳梢青

雨後輕寒無聊行客送霧迎烟何處金衣喚人腸  
斷珍重迴看 此時杏子春衫纔倚着東風画闌  
樓上新粧船中心事柳外飛帆

玉簫秋

爲某人賦

來往橫塘憶舊時桃葉人兒蘭葉舟兒而今休道  
不相思紅葉詩兒柳葉眉兒 欲待消愁不自持  
荷葉杯兒竹葉尊兒夜來深雨鬧前池蕉葉聲兒  
梧葉風兒

卜筮子

黃鳥向春啼粉蝶臨春舞蝶舞鶯啼春未闌春色  
濃如許 人共怨春歸儂獨愁春住春雨春風春  
燕飛盡是傷春處

擘瑤釵

懶画眉自顰眉一晌尋思一晌悲昨夜夢郎郎似  
舊携手醒來無計挽郎衣曉鶯啼

雙紅豆

烟冥冥花冥冥殘月紅簾試曉鶯餘寒掠夢輕  
恨卿卿念卿卿斗帳櫻桃空復情春風吹画屏

臨江仙

燕外杏花花外雨雨餘花弱難扶雙雙蛺蝶出花  
無也應憐粉翼珍重過墻疎倦倚綉床春悄悄  
麝烟冷却流蘇洞簫吹處憶當初祇因歸信誤不

肯夢檀奴

添字昭君怨

烟鎖垂楊綠醉草襯落花紅睡風簾盡日漾深愁  
最高樓不奈別離容易辜負年年歲歲眼看春  
意又闌珊鷓鴣天

江南好

用詞目成篇

江南好春霽柳含烟南浦鶯啼芳草渡西溪蝶戀  
杏花天薄倖鬪嬋娟

探春

弱柳含烟落梅催雪南浦初探芳信金鳳鈎垂眞  
珠簾捲好事玉樓春近八寶粧成也空相憶碧紗  
窗恨東風偏殢人嬌少年心怎無悶綠意瑤階  
草嫩惜分飛風蝶怎迷仙引倦繡停針合歡解佩  
且坐共翻香燼纔勸金船罷佳人醉繫裙腰褪待  
看花回雙雙燕歸梁穩

燭影搖紅

南浦鶯啼一痕沙外桃花水江城芳草繫裙腰人  
醉春風裏却好時光多麗一半兒紅情綠意少年

遊冶倚醉垂鞭一叢花氣雙鬢雲鬆垂楊碧惹  
秋波媚東風第一綺羅香玉女搖仙佩調笑沁園  
春霽奈薄倖個儂迢遞秦樓消息愁倚闌干闌干  
萬里

小丹丘詞卷之一終

小舟五言卷之二

萬里... 春寒... 燕... 雙... 遠... 深...

序

余束髮時即聞武唐柯氏以風雅世濟其美柯氏之有南陔則昔人所稱龍超彪怒者也既而讀其詩餘婉麗驚逸直可平睨梅溪奴視竹屋當為海內詞人之冠又見吾友蔣京少所編瑤華集於吾浙詞家盛推南陔益信余向者所見非謬也吾家弁陽距武唐纔兩舍耳萍蓬踪跡每以未得把臂為恨歲癸酉相遇于京師推襟送抱如逢故人欲探其篋中盡讀所為長短句則比年以來存者寥寥蓋南陔受業于堯峰先生服膺其師說方鏟除

綺語爲拔本塞源之學又其難弟緯昭弱冠早世痛絕鴿原夢虛池艸形單影隻無復倡和之樂此南陔之詞所以愈寥寥也余旣與南陔交得其議論根抵不敢復以詞人目之然寸璧小璣方爲有識者所共珍惜稍爲詮次而存之南陔自題曰擷影詞蓋取關尹子之言以自明其無用噫此可以見南陔之寄托有在矣南陔詞余向所見者簫譜新編一卷小丹丘詞一卷今擷影詞一卷則余甫爲論次而京少尚未之見也京少戊辰以後亦於倚聲之業輟而不講云沈樹本序

擷影詞

嘉善 柯 煜 南陔

南歌子 寄曼真

載酒娉婷市燒香旖旎山瘦腰禁得曉風前恰稱柳絲同搭玉闌干

又

曼淥眉能語橫波目暗成桐華小院試烘笙卯酒膏騰也忒沒心情

望江南

吳根越角生來雲水之鄉玉鱸金壘雅

擅尊鱸之趣時搖雙槳或在鷗波明滅  
之間獨倚孤筇更窺鳥道微茫之外縞  
梅山寺一詠一觴紅藕江天不巾不襪  
櫻桃九熟最富盤餐楊柳三眠漸遮門  
徑吟銷畫燭瀉墨瀋於香藤臥轉花陰  
潑茶膏於翠瓊信可樂也何日忘之若  
乃車鐸迎風馬蹄向月迢迢白道衰艸  
凝愁杳杳蒼雲羈鴻撩恨三千里外飛  
騰夢底家山十二時中歧望天涯鄉信  
何來萱艸浣此塵衫好倩桃根歌將怨

曲于是金鞭遙指登臨冀北之臺象管  
徐揮縹緲江南之路誰歟同調聊冀嗣  
音云耳

燕山客塵土浣征衫懶逐馬蹄馳九陌慣親香篆  
護重簾一枕夢江南

又

江南好第一是吳興萬笠瓊荷千頃月水晶宮裡  
簟如水銷夏記吾曾

又

江南好靈隱寺門前蕭四娘家沽酒去數錢纔罷

倚闌干春在翠眉邊

又

江南好鄧尉訪梅行雪後青峰千窈窕月中縞袂  
萬娉婷處處暗香迎

又

江南好舫子艤山塘扶上石塲人半倦風吹急雨  
惱紅粧兜住繡鞋幫

又

江南好絕境世無雙兩岸畫眉啼不住水霏山翠  
掠船牕人說富春江

又

江南好最好是新涼結箇茅茨秋水畔魚蟹蝦  
采菱缸生計滿江鄉

又

江南好小宴簇銀燈送到酒船佯不應春葱十指  
剝香橙一種太憨生

又

江南好池影臥粧樓折得櫻桃偷竚立隔窗鸚鵡  
喚梳頭那日記勾畱

又

江南好憶煞暮春時  
網出鱗魚明似雪  
採將蓴菜滑于脂  
天幸作吳兒

又

江南好勝地  
翦茅堂竹色巧  
侵書卷綠松花  
爭撲袖痕香  
午夢自然涼

又

江南好幽賞  
挾烟霞第二泉  
邊停畫舫竹爐新  
試雨前茶風味最清佳

又

江南好吟社暢  
流連醉月十千吳  
市酒揮毫九萬

會稽殘花外作神仙

點絳脣

窄窄簾櫳琴書慵  
整人高臥屏當藥  
裏不覺斜陽墮  
欲候涼蟾小  
憇回廊左無人  
過穿花螢火照  
我支頤坐

又

帶眼移腰鏡奩  
換影能銷減病  
隨愁轉况是秋  
聲戰舊事縈心  
陡覺風流遠  
從頭檢離箱  
小卷字字勾腸斷

又

不到西園那會得見芙蓉面碧闌橋畔應爲儂凝  
盼水珮風裳問訊誰開宴吟毫健冷香盈卷少  
個催詩伴

又

膽樣瓶見海棠倍覺秋顏好畫圖清曉黛影屏山  
小嘶箇涼蟬剛值幽人覺適然笑養和斜靠恰  
送茶甌到

卜筊子

咏鏡五首

相對雀鬟鬆依樣蛾眉掃借問人人是阿誰着意  
同顰笑持此比郎心反覆真難保對面分明只

片時背地模糊了

又

依約曉粧成理罷閒釵釧驀地狂奴背後來翻使  
全身見可可印銷魂的的勾心眼道是粧臺寶  
月生中有姮娥面

又

底事惹纖塵幾度紅綿拭簷外桃花影倒垂故故  
爭顏色朝淚暗成朝夕淚還成沙葉葉菱花徧  
小天一段傷心碧

又

不肖做朦朧悲喜隨儂面纔得清光些子見不道  
能深淺 獨立小娉婷一霎雙雙見幾許丹青畫  
不成秋水盈盈轉

又

銷減自分明底用旁人說半爲容顏不看他閉了  
茱萸匣 莫比月輪明三五還盈缺長把團圓傲  
素娥別有香奩月

減蘭

上元五首

花天月地萬疊銀燈人旖旎敢怨他鄉尺五城南  
禁漏長 小樓歌舞一盞香醪畱客住艷雪臨風

旋灑貂裘旋次融

又

退朝歸院綠幕迎風開小宴未夜談經何必鸞絲  
鳳竹聲 四簷清絕捧出碧天端正月月到燈前  
天上人間一樣圓

曹學士邸雅集

又

龍盤新髻裁剪春衫偏稱意笑語盈盈幾曲銅街  
踏月行 走橋聯袂百病于今消也未扶上雲輶  
競道前門去摸釘

又

升平樂事火樹星橋歌管沸玉葉細縵遙望燈毬  
似靄雲 故鄉池館也傍細梅懸百盞心事誰傳  
多謝東風護碧萱

又

玲瓏燈市遙指玉鞭何處是靈佑宮前金翠屏開  
五色煙 春光似海栲栳量金隨意買獨客孤檠  
繙到蘇家諫浙燈

青玉案

除夕前一日立  
春和曹書能韻

玉河解凍風光轉早省識東君面暖入粧樓簾半  
卷盈盈笑語爭裁綵勝待試椒盤宴 鳳城也有

細梅見忘却江南路偏遠從此樂游春滿眼紅情  
綠意催花趲柳分付鶯和燕

水調歌頭

送六叔父  
入都謁選

小住爲佳耳杯酒不成歡匆匆帆影飛去舉手莫  
追攀君本風流自賞跌宕翩翩裘馬遊宦幾何年  
壯志頗寥落向我淚闌干 快心事斷腸語若循  
環他時霜鬢安穩禪榻對茶烟今且一麾出守休  
問東西南北經濟那能閒游刃有餘地利器邁羣  
賢

喜遷鶯

題東老詞卷

情騰殘曉甚醉龍忽起睡蛇如埽幾叠樵歌一編  
琴趣剛自鬲溪傳到歷歷某山某水中有隱囊紗  
帽祆知道是粉毫落處便成幽討縹緲吟不了  
禪榻鬢絲一任茶烟裊海鶴精神巖松標格併作  
蕭疎懷抱但倚南牕容膝底要北山騰笑算垂老  
只同龕彌勒兼慵漁釣

又

題虛亭詞卷

綠蘿庭館寫一襟風韻素統長短酒醒思量夢回  
細數疇昔悲歡相半可知訴君心事只合借儂腸  
斷小簾捲映玉篔涼影倚闌吟遍何限驚晷晚

忽忽琴書陡覺風光換搗盡麋丸分殘麝月畱得  
幾行依黯辜負釵盟鏡約消受藥囊經卷恁幽怨  
儘臨風化作落霞千片

露華

送周麟聲先  
生遊山左

涼蟬半咽正上客離筵花外相接小住行裝好把  
籤程徐說渡江還渡黃河蒼翠萬山如活逍遙穩  
驚心舊時羈宦天末雲沙鴈影寥闊想纔歇金  
鞍紫茱堪折待試蘇仙騁望海市重結問訊幕府  
風流綠水紅蓮爭發懷魏水村休誤了家鄉柳烟鷺月

宴清都

送汪晉賢別  
駕之任桂林

題影詞

八

八桂蒼茫去東風外玉驄一霎難住相逢正好鳳  
城幾遍吟花醉雨誰知萬里馳裝又贏得新愁無  
據也休勸更進瓊卮別筵淒斷簫鼓迢迢粉堠  
紅亭春程漸遠雲外凝竚夢魂飛逐相思人到相  
思江路蠻天葉葉詩情題不了黃柑翠羽算行踪  
早晚來歸佩刀容與

水龍吟

次韻答徐幼安

鳳城雪後輕寒倚樓捲幔尋思遍蘭成銷瘦最勞  
相憶最遲相見藥鼎茶甌枕屏一曲恍疑天遠幸  
粉毫新染彩牋遙墮偏不隔雲霞伴便合過從

早晚恁徘徊俊遊還倦而今料理紅鴛小騎紅螺  
小琰一樣風情伊人醞藉狂奴蕭散算騰騰春到  
叮嚀月姊照花間讌

又

燕市與浦傳功話舊傷周簞谷沈山子長逝悵然同賦兼寄竹垞先生

長歌醉拂珊瑚兔華滿院人無寐吳根越角貂裘  
倦客相逢燕市幾遍銷凝烟雲過眼舊遊彈指記  
吟殘片玉賦殘黑蝶都付與瑤琴碎賸有玉堂  
清致恁匆匆也成歸計扁舟書畫南垞一曲寄聲  
千里聚散何憑夜燈雙影悄然相對儘愁懷願托  
黃金重疊鑄相思淚

解連環

東曹掌霖

桃笙小憇問甚時飛到翠霞雙疊悄不見舞鳳歌  
鸞儘獨自沉吟珊枝敲徹燕几螺屏添幾許冷香  
飛越想鉛霜染就石黛揉成風致清絕 烏絲欲  
開又摺歎中仙去後驚才銷歇誰得似此段玲瓏  
算只讓君家銷香金篋珠玉尊前早催和小山新  
闕向芝田臨風喚起宓妃低說

掃花遊

寄題卓氏  
傳經堂

行窩瀟灑憑問訊烟霞比來偏好竹溪蘿島似三  
三小徑又清多少汲古悒悒金石儘隨幽討碧牕

曉試起視堦除書帶青了

辨香人去杳算丹青

圖史門風清邵松筠暗老掩雲關怕有鶴書飛到  
底許幽懷耽住艸堂花鳥但長嘯指前山採將芝

艸

齊天樂

病中次韻  
答四叔父

碧梧訴盡秋聲怨悽悽怎禁風力半臂輕寒袷衣  
乍暖剛道最難將息黃庭呼吸早寸田耕罷青鸞  
相憶瘦影亭亭一泓秋水照顏色 西園凝望杳  
杳報蓮衣落盡幾回心惻藥裏蛛絲茶烟鶴影着  
我歆傾殘墨新愁難釋縱下了心頭眉端還集只

合隨君醉香醪始得

又壽安丘先生

酒鱗渾似春潮綠東風乍開尊俎點檢今番孟陬  
雲物偏記騷人初度瓊樓何許倚五色簾開胎禽  
飛舞窈窕屏山一枝黛色早梅吐頻年踪跡漫  
數算紫翠堆中驂鸞來去石髓曾餐玉芝慣採三  
十六峰深處神仙伴侶又劔珮朝天鳳城朝暮滿  
院松風肯畱佳客賦

南浦

送陳安讓遊沂水

鳴鴨蕩春波正夕陽半低照見離別吟社判風流

人惆悵杳杳蘭舟初發彩毫伴侶銷魂詞賦爭淒  
絕片帆吳越籤程遠早換玉驄輕捷到時好聽  
鳴琴算冰玉雙清雅懷激徹小隊引遨遊東山畔  
檢點風雩人物懷人長嘯故園迴絕千峰月聽儂  
歌闋莫誤了歸期囊茱時節

二郎神

遼后梳粧樓和掌霖韻

臨風繡剎又金磬一聲烟暝拂貝筵蕭爽梵宇無  
塵倒挂液波千頃問訊遊人前朝事誰覓取繡奩  
香賸想粉黛弓刀那時粧束曉開鸞鏡回省翠  
甃銅溝幾回淒冷算瑤輦怱怱回心院底飛去彩

霞無影瓊島非耶玉泉依舊愁絕輓轡金井空竚  
立盡日僧廊倚遍遠眸低凝

金明池

題兔兒山  
和掌霖韻

苑柳搖金宮雲散綺遙指鞭梢晴麓悄不覺英雄  
過鳥但無恙黛影斜蠹記金源芝蓋登臨恁銷沉  
樂府鳳簫偏促問物換星移夢華何據太液回紋  
風蹙暇日芳游驂駟簇結小隊熙春玲瓏花木  
還凝想移來艮岳知何限雕瓊鏤玉對今朝萬壽  
山光映小榭凌虛萬年枝綠倚羔酒餘酣龍茶小  
啜繡遍故宮遺錄

綺羅香

煮雪

凍合苔鋪光融莎砌正是峭寒時序一掬吟懷禁  
得淒涼如許乍疑他索笑梅花還記是催詩柳絮  
恁無聊收拾瓊英玲瓏埽遍小庭宇閒牕分付  
小史聽取颼颼石鼎松風殘縷淪就旗槍不讓月  
團風趣問繡幙幾簇笙歌問金鞍幾番鷹兔但誇  
儂消受瓷甌冷香侵秀句

圖



